



Pagsuporta sa Oryentasyon sa Imong Anak sa Edukasyon sa Sayo nga Pagkabata og Serbisyo sa Pag-atiman

CEBUANO

Ang positibo nga pagsogod sa edukasyon sa sayo nga pagkabata hinungdanon. Importante nga ikaw og ang imong pamilya mobati nga giabiabi, luwas og gisuportahan. Ang unang mga adlaw sa serbisyo mahitungod sa imong anak nga makaila sa ubang mga bata og magsugod sa usa ka masaligang relasyon uban sa ilang mga magtutudlo og uban pang mga propesyonal sa sayo nga pagkabata.

Ang mga serbisyo sa Edukasyon sa Sayo nga Pagkabata og Serbisyo sa Pag-atiman sa Victoria gigiyahan sa *Victorian Early Years Learning and Development Framework* (Gambalay sa Sayo nga mga Tuig sa Pagkat-on og Pag-uswag sa mga Victorian) (VEYLDF). Kini nga gambalay nagpahibalo sa mga magtutudlo nga ang 'pagkatawo sa mga bata og ang ilang pamilya og kultural nga mga kasaysayan naghulma sa ilang pagkat-on og paglambo. Mobati ang mga bata nga giabi-abi og labing makakat-on kung ang mga propesyonal motahud og moila sa ilang talagsaon nga pagkatawo' (VEYLDF, 2016, pg. 12). Kini nga pagsabot magpaluyo sa pamaagi sa mga magtutudlo sa pagsuporta kanimo og sa imong anak sa ilang oryentasyon og panahon sa paghusay sa ilang bag-ong Edukasyon sa Sayo nga Pagkabata og Serbisyo sa Pag-atiman.

Ang Edukasyon sa Sayo nga Pagkabata og Serbisyo sa Pag-atiman naglantaw sa kolaborasyon nga panagtambayayong tali sa mga magtutudlo og mga pamilya isip pundasyon sa usa ka dekalidad nga programa. Ang matinahuron nga mga relasyon gikan sa sinugdanan usa ka lig-on nga timailhan sa usa ka taas nga kalidad nga serbisyo. Makapaabut ka nga ang mga magtutudlo mainiton og maabiabihon og magdasig sa paggamit sa imong [mga] pinulongan sa pamilya.

Ang mga serbisyo makasuporta sa komunikasyon uban kanimo pinaagi sa serbisyo sa interpreter sa telepono aron masiguro nga ikaw tukma nga nahibalo og adunay higayon sa pagpangutana og pagpangita og dugang nga impormasyon sa pinulongan nga imong labing komportable. Dugang pa, ang usa ka trabahante sa suporta nga nagsulti sa imong pinulongan sa pamilya mahimong magamit aron matabangan ang imong anak sa mubo nga panahon samtang sila adunay koneksyon og pagbati nga nahisakop sa serbisyo.

Ang Dekalidad nga Edukasyon sa Sayo nga Pagkabata miila sa mga pamilya isip 'ang nag-unang impluwensya sa pagkat-on og paglambo sa mga bata' (VEYLDF, 2016, pg. 9). Gipabilhan og gipangita sa mga magtutudlo ang input og pag-apil sa pamilya sa programa sa unang mga tuig. Dili lamang kini nagpahibalo sa gawi sa mga magtutudlo apan nagtabang usab sa mga bata sa pagpalambo sa pagsalig, seguridad og koneksyon tali sa mga tawo sa ilang edukasyon og pag-atiman sa palibot og palibot sa panimalay nga nagpalambo sa mga resulta sa pagkat-on. Giawhag usab ang mga pamilya nga moapil sa serbisyo og motambong sa inisyal nga mga sesyon. Makatabang kini sa imong anak nga mobati nga luwas og makatabang kanimo nga masabtan kung unsa ang mahitabo sa imong anak sa serbisyo kung nga wala ka.

Ang imong serbisyo sa sayo nga pagkabata adunay plano sa oryentasyon aron matabangan ka og ang imong anak nga mahimong pamilyar sa mga serbisyo. Mahimong maglakip niini;

- pagbisita sa serbisyo uban sa imong anak sa dili pa magsugod ang pormal nga pagtambong
- pagsugod sa mogbo nga mga sesyon og paghimo sa mas taas nga mga sesyon aron matabangan ka og ang imong anak nga mahimong komportable.

Ang imong mga magtutudlo sa sayo nga pagkabata mogahin og panahon uban kanimo og mangutana kanimo og pipila ka mga pangutana bahin kanimo og sa imong anak. Makahatag kini kanila og mas maayong pagsabot sa mga panginahanglan sa imong anak og makatabang kanila sa paghimo og programa nga mopadako sa mga kahigayonan sa pagkat-on og positibong resulta para sa imong anak.

Ang mga pananglitan sa impormasyon sa usa ka serbisyo sa pagkabata mahimong hangyoon kanimo nga ipaambit kanila mao ang;

- Impormasyon bahin sa kahimsog sa mga bata – mga rekord sa pagbakuna, medikal nga panginahanglan, mga sakit o alerdyi.
- Mga gusto sa pag-ilis sa lampin, gusto sa kasilyas og mga gawi sa balay.
- Mga pagkaon nga ginakaon sa mga bata, mga naandan nga oras sa pagpangaon.
- Mga kinahanglanon sa pagpahulay/pagkatulog sa mga bata.
 - Natulog ba sila sa usa ka higdaanan, ilang kaugalingon nga higdaanan o adunay kauban nga matulog?
 - Unsa nga mga kanta ang makahupay kanila?
 - Aduna ba sila'y paborito nga libro, espesyal nga dulaan o habol?
 - Unsang mga orasa sila kasagarang mopahulay/matulog sa adlaw?
- Unsa nga mga kasaulogan og mga tradisyon ang importante sa imong pamilya?
- Ginadawat sa mga magtutudlo ang bisan unsang ubang impormasyon nga gusto nimong ipaambit kanila.
- Adunay usab kay kasayuran bahin sa imong anak nga gusto nimo mahibal-an sa mga Magtutudlo nga makatabang kanila nga makig-uban sa imong anak.

Uban pang mga paagi aron masuportahan ang imong anak samtang sila mopuyo sa ilang serbisyo sa pagkabata

- Paggahin og panahon uban sa imong anak sa serbisyo – ipasabot ang mga naandan sa serbisyo ngadto sa imong anak, pagdula, pagbasa og mga istorya og pagkanta og mga kanta sa imong kaugalingong pinulongan.
- Suportahi sila nga makigkomunikar sa ubang mga bata. Kini mahimong pinaagi lamang sa pag-awhag kanila sa paglingkod tapad sa uban, pagpaila sa imong kaugalingon ngadto sa ubang mga bata, pag-apil sa mga kalihokan og mga dula.
- Paggahin og panahon sa pagpakigsulti sa imong anak og sa uban nga nagsulti sa samang pinulongan.
- Pakigsulti sa imong anak bahin sa ilang nasinati og gibati: pasaligi og dasiga sila.
- Siguruha nga nahibal-an sa imong anak kung kinsa ang ilang mga magtutudlo, ang ilang mga ngalan og nga mahimo silang moadto kung kinahanglan nila ang bisan unsang tabang. Hatagi sila og mga oportunidad nga magpraktis sa pagsulti sa mga ngalan sa ilang magtutudlo uban kanimo og i-role play ang pagpangayo og tabang.
- Kanunay nga manamilit sa dili pa mobiya og pasaligi ang imong anak nga mobalik ka unya. Maayo nga ideya nga husayon ang imong anak pinaagi sa pagtabang kanila sa paghimo sa usa ka kalihokan uban sa usa ka magtutudlo og/o ubang mga bata sa dili pa ikaw mobiya.
- Hisguti ang mga naandan og palibot sa serbisyo uban sa mga bata sa gabii/buntag sa dili pa sila motambong aron mahatagan sila og higayon sa pagpangutana og bisan unsa nga mga pangutana og aron ikaw makatubag sa bisan unsang mga kabalaka nga anaa kanila.
- Hinumdumi nga ang mga magtutudlo sa imong anak anaa aron sa pagsuporta kanimo og sa imong anak sa panahon sa pagserbisyo.

Mga Reperensya

Department of Education and Training, 2016. *Victorian Early Years Learning and Development Framework*.